



MOHATO OA PELE:

Moralo

- Sebaka pakeng tsa likotjana se fapana ho latela mefuta ea lijalo.
- Likotjana li aroloa ka linoko tse 75 ka har'a mola ha ho jaloa poone.
- Mela le eona e aroloa ka linoko tse 75.
- Libaka tse nang le bothata ba komello, linoko eba tse 90 lipakeng tsa mela le lijalo.
- Mokhoa oa ho rala likotjana ke ho sebelisa khoele. Mafito a fasoja linoko tse 75 ele ho tsoaea moo sekotjana se chekoang teng.
- Sebelisa khoele e tsoaoueng hantle ka mafito ho rala mehato lipakeng tsa likotjana ka har'a mola.
- Sebelisa thupa ea bolelele ba linoko tse 75 lipakeng tsa mela.



Lokisa thepa eohle ea litekanyo tsa ho arola likotjana le mela e sa le pele □ = Letsoao la sekotjana



Ha u sebelisa polantere ea likhomo le ea terekere, arola mela ka mokhoa o tloaelehileng: poone le mabele (linoko tse 90), linaoa (linoko tse 60)

MOHATO OA BOBELI:

Nako ea ho lokisa likotjana ke khoeli ea [Phupu – Loetse]



Litekanyo tsa sekotjana; bolele: linoko tse 15, bophara: linoko tse 8, botebo: linoko tse 10. Empa ha u jala ka moiteli kapa mosuoela, likotjana li ka tebisoa hanyenyane ho isalinokong tse 15.

MOHATO OA BORARO:

Monontša kapa moiteli li tšelo nakong ea ho jala e leng khoeli ea [Loetse – Pulungoana]



Monontša oa ka tšelo ka seatla ka sekotjaneng 'me ho arola koaelo ka mobu.

Litekanyo tsa monontša: Tšela bonyane sekoaeloana sa botlolo ea coca cola ho isa ho tse 3 tsa 3:2:1 (25) / 6:2:1 (31) pooneng, 2:3:2 (22) ha e le linaoa sekotjaneng ka seng.

Moiteli/mosuoela: Tšela seatla kapa tse 2 sekotjaneng 'me o koaele ka mobu.

TEMO E BABALLANG MOBU LE MONGOBO

Mokhoa oa ho lokisa mobu, ho tšela monontša le ho jala



LERUO LA LIPHOOFOLo TEMONG E BABALLANG MOBU:

Liphoofolo ha li lumelloe ho fula mohoang masimong a temo e baballang mobu le mongobo. Ho phunya mohoang ho kata mobu masimong e leng ntho e seng molomong oa lijalo. Ho lekanngoa hore karolo ea mashome a mararo ho isa ho a mahlano lekholong ea lithaka e ka sebelisoa ho fepa liphoofolo.



MOHATO OA BOBOBELI:

Kotulo e qala ka 'Mesa ho isa Phupu



Chakatsa e heloa ho etsa furu ea liphoofolo.

Ha poone e se e kotutsoe siea mohoang masimong; 'me o se fulisoa.

Hela mohoang 'me o ale lithaka tšimong pakeng tsa mela.

MOHATO OA BOSUPA:

Lijalo tse apesang mobu li jaloa ka Hlakola ho isa Motšeanong [Hlakola – 'Mesa]



Mona ho ka jaloa motsoako oa "grazing vetch", habore kapa koro: Foka motsoako oa habore le vetch ka Hlakola ho isa ho Hlakubele; Koro e jaloa ka tšela e tšoanang feela ka 'Mesa ho isa Motšeanong ha poone e se e behile.

MOHATO OA BOTŠELELA:

Monontša tlatsetso o tšelo ka Pherekhong ho isa Hlakola lijalong tse poone le mabele [Pherekhong – Hlakola]



Monontša oa "LAN kapa Urea" o fafatsoa ka holimo ha poone kapa mabele a le bophahomo ba lengole. Linaoa ha li hloke tlatsetso ena ea LAN.

Khothaletso ke hore ho tšelo bonyane sekoaeloana se le seng sa monontša ka sekotjaneng ho isa ho tse peli.

MOHATO OA BONE:

Ho jaloa ka khoeli ea Loetse ho isa Pulungoana [Loetse – Pulungoana]



Poone /Linaoa: Tihaku tse 2 - 3 ka sekotjaneng; Linaoa: Tihaku tse 6 - 9 sekotjaneng; Peo e lokela ho aroloa hantle 'me e koaheloe ka mobu o se nang makote. Linaoa li ka jalleloa pakeng tsa mela ea poone.

Mabele: Tihaku tse 8 - 10 kapa o tsipe peo ka menoana sekotjaneng ka seng 'me o koaheloe ka mobu o hloka makote.

Koro ea mariha: Koro e fokoa har'a lekhaba la poone kapa mabele ho tloha ka 'Mesa ho isa Motšeanong.

MOHATO OA BOHLANO:

Ho hlaola le ho arola [Mphalane – Hlakola]

Ho hlaola ka nako ke ntho ea bohlokoa haholo 'me e lokela ho phetoa khafetsa ha ho hloka hahala. Ke 'nete hore ho hlaola ke mosebetsi o thata. Le ha ho le joale ho se hlaole hantle ho tšoana hantle le ho fana ka karolo ea mashome a mahlano lekholong la chai ea hao.



Poone e ka aroloa hore ho sale tse peli sekotjaneng ka morao ho beke tse 2-3 e metse.

Ho hlaola khetlo la pele: Hlaola hang ha lehola le mela.

Ho hlaola khetlo la bobeli: Hlaola hape ka mor'a beke tse 4-6 lijalo li metse.

Ho hlaola ho eketsa chai 'me hona ho bolela hore lijo li tlaanela telapa.

Ho khothaletsoa ka matla ho boloka tšimo e hloekile ho se lehola.

